



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 78. Bandini Panciatici Cardinalis obitus.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII.
A. C. 1718.

§. LXXVIII.

*Bandini Panciatici Cardinalis
obitus.*

*Guarnac.
vit. Pontif.
t. I. p. 328.
Vit. Card.
t. I. p. 234.*

Hoc anno nonnisi duo Cardinales morti in prædam cessere, quorum primus erat Bandinus Panciaticus patria Florentinus, qui sub patrocinio Julii Saccheti Cardinalis in liberalibus disciplinis ad maturam ætatem adolevit, & sub Magisterio Joannis Baptistæ de Luca tum celeberrimo Urbis Advocato tam egregium in Jurisprudencia profectum fecit, ut pluribus vigiliis, assiduisque laboribus eruditus in arenam ipse descenderet, ac demum difficillimum Advocationis munus in Urbe fusciperet, & suprema Judicantium subsellia conscenderet. Paulopost ad altiora provectus, a Clemente IX. cui consanguinitate junctus erat, utriusque Signaturæ Referendarius, & Vice-Auditor Cameræ nominabatur, quo munere per plures annos summa cum laude defunctus, sponte hoc Magistratu se abdicavit, Florentiam reversus, ne in gravissima caussa inter Columnenses & Altierios Clementis X. Papæ Neptes controversa justitiam lædendi periculum incurreret, adeo erat integerrimæ mentis Judex, immotus æquitatis

tatis vindex, sceleris purus, & poten- Sæc. XVIII.
 tes æquo jure ac pauperes respiciens: A. C. 1718.

Stimulantibus autem tanti Viri meritis ab Innocentio XI. Romam revocatus, primo Commendator S. Spiritus, postea Congregationis Episcoporum Secretarius, & ab Alexandro VIII. Datararius, & Patriarcha Jerosolymitanus, ac tandem Cardinalis renuntiabatur. Mortuo Alexandro VIII. Bandinus a non paucis Successor expetebatur, objectabant tamen alii suorum Nepotum oppido egentium turmam, & immoderatum in Gallos affectum: Electo demum Innocentio XII. cum Apostolicorum jurium Assertor esset acerrimus, non raro solita loquendi ingenuitate Pontifici nimiam facilitatem in collatione beneficiorum, aliarumque gratiarum exprobrabat: unde etiam imperterrita hæc libertas adeo molesta Pontifici accidit, ut Bandino, eum a suo latere sejungendi studio, sæpius pinquissimos offerret Episcopatus. Eadem tamen animi fortitudine, qua publici ærarii damna præcavere, & Datarariæ jura sarta servare satagebat, eadem etiam animi constantia propositas respuebat dignitates. Adhibebatur ad decidendam gravissimam quæstionem, ad quem mortuo Carololl. Rege Hispanicæ Monarchiæ successio jure de-

D d d 4

volye-

Sæc. XVIII. voveretur, ubi Bandinus pro Gallis
 A. C. 1718. suffragium tulit. Nihilominus mortuo
 Innocentio XII. rursus plurium Cardinalium
 vota in ejus electionem conspirabant, electo
 autem Clemente XI. plurimi habitus Officium
 Secretarii Status acceptare rogabatur, recusata
 autem hac dignitate Præfecturam sacræ Congregationis
 Concilii obtinuit, aliisque pluribus Congregationibus
 adscriptus, ubique Viri in rebus Politicis versatissimi,
 & in forensibus causis Judicis integerrimi partes
 adimplevit, tandem viribus & senio fractus Romæ
 die vigesima prima Aprilis annos natus octoginta
 novem decessit, non sine maximo luctu pauperum,
 quorum liberalis Pater exstiterat.

§. LXXIX.

Carolus Bichius Cardinalis mortuus.

Guarnac.
l. c. p. 355.

Alter erat Carolus Bichius patria Senensis,
 qui cura Patru Alexandri Bichii Cardinalis
 Romam delatus, ibidem Philosophiæ, Theologiæ,
 ac Jurisprudentiæ operam navavit, & pi-
 quissimam Abbatiam Montis Majoris in
 Francia obtinuit. Cum autem Comes Lavardinus
 Ludovici XIV. Franciæ Regis Orator eidem præciperet,
 ut